

ditur, ac ibidem arte fusoria quam plurima ex eo fiunt instrumenta. Est & Cio mons prope Pingting civitatem à magnifico idolorum fano, ac coenobio celebris, in quo multi sacrificuli communem degunt vitam dæmoni servientes. prope Cofan mons est Siue, hoc est nivis, à qua nomen habet, quod ea fere semper albescat. dignus etiam qui recensetur est Xeleu mons, licet horridis ac nudis verticibus constet, omnes altitudines fere supereminet, ad Hing civitatis territorium pertinet.

Flumina.

Cyn amnis ad Taiyven civitatem, cuius unus ramus in Boream fluens is est, quem Chipeus rex effodi jussit, ut obsessam à se civitatem, cum capere eam non posset, aquis perderet, quod fusius in mea Sinensium historiarum epitome invenies descriptum.

*Salicis
us.*

Ad urbis occasum torrens est Lieu, à salicibus, quibus utraque ripa abundat, dictus. Salices gens Sinica inter aspectu amoenas arbores numerat, sed non illas quarum rami recta in cælum ascendunt, at eas potius, quæ ita emittunt ramos, ut ex alto inflexi quasi funes foliis ornati essent, ad terram usque pertingant, quos arte ita efformant ramo eminente rursus terra obruto, supereminente trunco, ramoque versus terram inflexo, qui cum facile radices agat, in arborem denuo excrescit, cuius rami omnes in contrarium versi pulchro amœnoque aspectu recreant intuentes, id Sinis & in aliis arbutusculis familiare est, quod nos in arborum sepibus, aut pergulis subinde usurpamus.

Secunda Urbs

P I N G Y A N G.

ESr quidem Pingyang urbs hujus Provinciae numero ac loco secunda, sed quæ nec territorii magnitudine, nec præstantia aut civitatum numero Metropoli cedat, regio tota partim plana, partim montosa, ager fertilis, cuius nulla pars inculta jacet præter eam, quam montes aliqui horridiores occupant, salubri fruitur cælo, civitatibus ac oppidis referta sunt omnia. quin & ipsa urbs antiqua nobilitate ipsam metropolim superat, & inter præcipuas extremæ hujus Asiæ omnino censeri debet. fuit hic numquam satis à suis laudati Imperatoris Javi regia, qui ante vulgarem Christi Dei epocham imperavit annis bis mille trecentis quinquaginta & septem. jacet urbs

Qualitas.

ad orientalem ripam fluminis Fuen, quod à metropoli descendit, perque illud merces ascendunt, præest civitatibus quatuor supra triginta, earum 1 Pingyang, 2 Sianglin, 3 Hungtung, 4 Feuxan, 5 Chaoching, 6 Taiping, 7 Yoian, 8 Jeching, 9 Kiöyao, 10 Fuenfi, 11 Pu, 12 Puo, 13 Lincin, 14 Yungho, 15 Yxi, 16 Van Civen, 17 Hocin, 18 Kiai, 19 Ganye, 20 Hia, 21 Venhi, 22 Pinglo, 23 Juiching, 24 Kiang, 25 Cienxan, 26 Kiang, 27 Yuenkio, 28 Ho, 29 Kie, 30 Hiangning, 31 Cie, 32 Tanning, 33 Xeleu, 34 Yungho.

Regionem urbi circumjacentem varia nobilitant, fecundantque flumina, Croceus illius occidentale & Australe latus alluit: Fuen & Hoei fluvii illius territorium dividunt, quod Yvus Imperator Kicheu provinciae adscripsit, ac dominio constellationum Çu & Seng attribuit: olim ad reges Cyn, & postmodum Han, mox Chao pertinuit. Cina & Hana Imperiales familiae Hotung terris adnumerabant. Tanga familia hanc urbem Cincheu dixit, & Utai Tinchang, Ivena Tartarorum familia Cinning nomen dedit, cui Taiminga familia antiquum à Javo Imperatore inditum nomen restituit, quo etiamnum hodie vocatur Pinyang. Hia civitas singularem hic meretur locum ac laudem, quod patria sit Yvi Imperatoris, in qua & regiam imperialem constituit, à qua primæ à se apud Sinas fundatæ Imperialis familiae nomen imposuit, ac Hiäm dici voluit. Kiang & Pu civitates majores à duobus templis vero Deo dicatis, ac à frequentissimis Christi cultoribus nobiles sunt, ubi duo è Societate Jesu Sacerdotes Christianam rem procurant, pauci scilicet operarii pro tanta messe.

Civitates.

Antiqua nomina.

*Societatis
Jesu
Templa.*

Fana nobiliora duodecim in hujus urbis territorio visuntur, ex his unum quadratis sectisque constat lapidibus, lapideisque columnis plurimis in monte Çuikin. est & aliud extructum sumptu vere regio prope Taiping, cuidam fidelissimo duci ad reliquorum exemplum à Sunga Imperiali conditum familia.

Golung mons ingens prope Siangling, inde Boream versus Fuenfi, & Fuenxan civitates transit, in austrum vero excurrans ad Kiöyao & Yeching usque civitates pertingit, ubi cum Ulao montibus conjunctus ad Xensi usque Provinciam, & ultra etiam in occasum continuo tractu pergit.

Pars montium prope Kiöyao vocatur mons Kiào, in eo Hoangti antiquissimi Imperato-

Montes nobiliores.

perato-